



Број/ Број: 02/2-50-8-23-9/12
Сарајево/Sarajevo, 31.1.2012.

Na osnovu člana 35. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06 i 91/07), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1.1.2011. do 31.12.2011.)

I. OPĆE ODREDBE O KOMISIJI

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, kroz provođenje općih opredjeljenja određenih Ustavom BiH i Dejtonskim mirovnim sporazumom, te politikom koju je utvrdilo Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 27. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;

- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

Kako je predviđeno Odjeljkom D. (Opće odredbe o komisijama), članom 31. stav (1) Poslovnika Doma naroda Parlamentarne skupštine BiH: “Komisija nema više od šest članova. Preraspodjela mjesta mora biti srazmjerna klubovima naroda u Domu, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2011. godine bili su: Hasan Bećirović, predsjedavajući Komisije, Stjepan Krešić, prvi zamjenik predsjedavajućeg, Staša Košarac, drugi zamjenik predsjedavajućeg, te Nermina Kapetanović, Borjana Krišto i Ognjen Tadić, članovi Komisije.

Sjednicu Komisije saziva predsjedavajuća Komisije, u skladu s članom 38. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajuća Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagачima i članovima Komisije da iskažu svoje mišljenje, stav ili postavе pitanje u vezi s materijalom o kojem se raspravlja.

U svom radu Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH imala je priliku saradivati s Komisijom za vanjske poslove, Komisijom za vanjsku trgovinu i carine i Komisijom za saobraćaj i komunikacije Predstavničkog doma Parlamentarne skupštine BiH i Vijećem ministara BiH, odnosno ministarstvima na državnom nivou.

Komisija je u izvještajnom periodu održala osam sjednica:

- 1. sjednica 29.6. 1 tačka dnevnog reda (konstituirajuća sjednica)
- 2. sjednica 6.7. 24 tačke dnevnog reda
- 3. sjednica 26.7. 30 tačaka dnevnog reda
- 4. sjednica 6.9. 41 tačka dnevnog reda
- 5. sjednica 29.9. 13 tačaka dnevnog reda
- 6. sjednica 9.11. 31 tačka dnevnog reda
- 7. sjednica 30.11. 16 tačaka dnevnog reda
- 8. sjednica 14.12. 18 tačaka dnevnog reda

Treba napomenuti da je Komisija u 2011. godini suštinski radila u drugoj polovini godine jer je do konstituiranja Komisije, nakon parlamentarnih izbora, došlo tek na kraju juna.

Na redovnim sjednicama Komisije razmatrane su ukupno 174 tačke dnevnog reda, što je u prosjeku 22 tačke po sjednici. Međutim, kada se izuzme konstituirajuća sjednica koja po svojoj prirodi uvijek ima samo jednu tačku dnevnog reda, onda je prosječan broj tačaka dnevnog reda na jednoj sjednici 25.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su dva državna službenika: sekretar Komisije (Nenad Pandurević) i stručni saradnik (Dobrinka Savić).

II. AKTIVNOSTI KOMISIJE

1. Prijedlozi zakona

U izvještajnom periodu na prijedloge zakona odnosilo se sedam tačaka dnevnog reda, gdje su razmatrana ukupno četiri prijedloga zakona. Tri su razmatrana i u prvom i u drugom čitanju, a jedan samo u prvom čitanju, od čega su dva usvojena u Domu naroda:

1. Prijedlog zakona o vinu Bosne i Hercegovine (prva i druga komisijska faza), predlagač: Vijeće ministara BiH;
2. Prijedlog zakona o izmjenama i dopunama Zakona o mineralnim đubrivima (prva i druga komisijska faza), predlagač: Vijeće ministara BiH;
3. Prijedlog Zakona o izmjeni i dopuni Zakona o carinskoj politici Bosne i Hercegovine (prva i druga komisijska faza), predlagač: Vijeće ministara BiH;
4. Prijedlog zakona o sistemu državne pomoći u Bosni i Hercegovini (prva komisijska faza), predlagač: Vijeće ministara BiH;

Prijedlog zakona o izmjenama i dopunama Zakona o mineralnim đubrivima i Prijedlog Zakona o izmjeni i dopuni Zakona o carinskoj politici Bosne i Hercegovine su usvojeni i objavljeni. Prijedlog zakona o vinu Bosne i Hercegovine nije dobio podršku u drugom čitanju u Domu naroda tako da nije usvojen. Prijedlog zakona o sistemu državne pomoći u Bosni i Hercegovini još nije razmatran u Domu naroda ni u prvom čitanju.

Tokom razmatranja u prvoj komisijskoj fazi za sve prijedloge zakona pribavljena su mišljenja Direkcije za evropske integracije BiH u skladu s članom 98. Poslovnika Doma naroda Parlamentarne skupštine BiH.

Za sve prijedloge zakona u prvoj komisijskoj fazi izrađena su i dostavljena mišljenja Domu naroda, a za sve prijedloge zakona razmatrane u drugoj komisijskoj fazi izrađeni su i Domu naroda blagovremeno dostavljeni izvještaji.

Za sve zakone razmatrane u drugom čitanju blagovremeno su obavljene sve aktivnosti u vezi s podnošenjem amandmana, počevši od prijema amandmana, usaglašavanja između podnosilaca te usvajanja zakona u identičnom tekstu.

Programom rada Vijeća ministara BiH za 2011., a koji je poslužio kao osnov za izradu Orijentacionog plana Komisije, bilo je predviđeno da u parlamentarnu proceduru bude upućeno ukupno 18 prijedloga zakona iz nadležnosti Komisije. Pored navedena četiri prijedloga zakona koje je Komisija razmatrala u 2011. godini, u parlamentarnu proceduru dostavljena su još četiri zakonska

prijedloga, koji nisu dobili podršku u Predstavničkom domu tako da se nisu mogli ni razmatrati u Domu naroda, odnosno nadležnoj Komisiji: Prijedlog zakona o međunarodnom i međuentitetskom drumskom prijevozu, Prijedlog zakona o putnim ispravama Bosne i Hercegovine, Prijedlog zakona o izmjenama i dopunama Zakona o Agenciji za unapređenje stranih investicija BiH i Prijedlog zakona o izmjenama i dopunama Zakona o Javnom RTV sistemu BiH. Međutim, u parlamentarnu proceduru u 2011. godini nisu dostavljeni, iako su Programom rada Vijeća ministara BiH bili predviđeni sljedeći zakonski prijedlozi: Prijedlog zakona o zaštiti okoliša u BiH, Prijedlog zakona o međunarodnoj i međuentitetskoj unutrašnjoj plovidbi BiH, Prijedlog zakona o javnim putevima BiH, Prijedlog zakona o izmjenama i dopunama Zakona o zaštiti potrošača u BiH, Prijedlog zakona o carinskoj tarifi Bosne i Hercegovine, Prijedlog zakona o organskoj proizvodnji u BiH, Prijedlog zakona o izmjenama i dopunama zakona o poljoprivredi, ishrani i ruralnom razvoju BiH, Prijedlog zakona o postupku zaključivanja i izvršavanja međunarodnih ugovora, Prijedlog zakona o poštama Bosne i Hercegovine i Prijedlog zakona o plinu.

2. Međunarodni sporazumi

U navedenom periodu ukupno je razmatrano 126 međunarodnih pravnih akata, od čega 125 radi davanja prijedloga Domu naroda za ratifikaciji, i u jednom slučaju radi otkazivanja (Konvencija Međunarodne organizacije rada o zaštiti materinstva, broj 3, iz 1919. godine, redni broj: 75.)

1. Sporazum o grantu zasnovanom na programu finansijske podrške holandske konstituce između Ministarstva finansija i trezora BiH i Ministarstva vanjskih poslova Kraljevine Holandije za finansiranje projekta, br. KGS08/BA/3/1
2. Sporazum o kreditu između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG za projekat „Opremanje kantonalne bolnice u Orašju“
3. Sporazum o kreditu između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG za finansiranje rekonstrukcije i proširenja kanalizacionog sistema u Gradišci
4. Okvirni finansijski sporazum između Bosne i Hercegovine i Razvojne banke Vijeća Evrope
5. Sporazum o finansiranju između Bosne i Hercegovine i Komisije Evropskih zajednica u pogledu Državnog programa (Dio I.) za 2009. godinu u okviru Instrumenta pretprijetne pomoći
6. Ugovor o finansiranju između Bosne i Hercegovine i Komisije Evropskih zajednica o međugraničnom programu Bosna i Hercegovina – Crna Gora u sklopu IPA-ine međugranične saradnje za 2009. godinu
7. Sporazum o finansiranju između Bosne i Hercegovine i Komisije Evropskih zajednica u vezi s programom finansiranja učešća Bosne i Hercegovine u ERDF transnacionalnim programima evropske teritorijalne saradnje „Jugoistočna Evropa“ i „Mediteran“ u okviru Instrumenta pretprijetne pomoći (IPA) - komponenta Prekogranična saradnja za 2009. godinu
8. Ugovor o finansiranju između Bosne i Hercegovine i Komisije Evropskih zajednica o međugraničnom programu Bosna i Hercegovina - Srbija u sklopu IPA-ine međugranične saradnje za 2009. godinu

9. Sporazum o finansiranju između Bosne i Hercegovine i Evropske komisije o prekograničnom programu Hrvatska - Bosna i Hercegovina u okviru IPA-ine komponente Prekogranična saradnja za 2009. godinu
10. Sporazum o finansiranju između Bosne i Hercegovine i Komisije Evropskih zajednica u vezi s višekorisničkim programom za Tempus u sklopu IPA-ine komponente Pomoć u tranziciji i izgradnji institucija za 2009. godinu
11. Sporazum između Vijeća ministara BiH i Vlade Republike Grčke o međunarodnom drumskom prijevozu putnika i roba
12. Sporazum između Vijeća ministara BiH i Vlade Republike Hrvatske o saradnji u oblasti informatičkog društva i elektronskih komunikacija (telekomunikacija)
13. Sporazum između Vijeća ministara BiH i Vlade Države Kuvajt o saradnji u oblasti turizma
14. Pekinški amandman (1999.) na Montrealski protokol dogovoren na 11. sastanku potpisnica (Peking, od 29. novembra do 3. decembra 1999.)
15. Dvogodišnji sporazuma o saradnji (BCA) između Bosne i Hercegovine i Regionalnog ureda Svjetske zdravstvene organizacije za Evropu
16. Sporazum o izmjeni Sporazuma o socijalnom osiguranju između Bosne i Hercegovine i Republike Slovenije
17. Protokol između Vijeća ministara BiH i Vlade Malte o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole (Protokol)
18. Sporazum u vezi s provođenjem projekta „Uspostavljanje kalibracione laboratorije za električne veličine i laboratorije za ispitivanje sigurnosti električnih uređaja i elektromagnetne kompatibilnosti“ između Vijeća ministara BiH, koje zastupa Institut za mjeriteljstvo BiH, i Vlade Republike Slovenije, koju zastupa Centar za međunarodnu saradnju i razvoj
19. Memorandum o razumijevanju između Ekonomske komisije Ujedinjenih naroda za Evropu (UNECE) i Nacionalne institucije učesnice (NPI) – Ministarstva vanjske trgovine i ekonomskih odnosa BiH s ciljem provođenja projekta „Finansiranje investicija u energetska efikasnost za ublažavanje klimatskih promjena“
20. Sporazum o grantu – *Općinski nivo podrške infrastrukturnim projektima* – u sklopu Višekorisničkog programa IPA-e 2008. između Bosne i Hercegovine i Evropske investicione banke
21. Sporazum o garanciji za zajam namijenjen preduzeću „Vodovod i kanalizacija“, A.D. Bijeljina, između Bosne i Hercegovine i Evropske banke za obnovu i razvoj
22. Izmjene i dopune ugovora broj 1 za Ugovor o zajmu, od 9. decembra 2005. (Regionalni željeznički projekat), između Bosne i Hercegovine i Evropske banke za obnovu i razvoj
23. Ugovor o garanciji za zajam za Međunarodni aerodrom Sarajevo između države Bosne i Hercegovine i Evropske banke za obnovu i razvoj
24. Ugovor o finansiranju između Bosne i Hercegovine i Republike Srpske i Evropske investicione banke – *Voda i sanitacija RS*
25. Ugovor o zajmu između Evropske unije kao zajmodavca i Bosne i Hercegovine kao zajmoprimca i Centralne banke Bosne i Hercegovine kao agenta za plaćanje zajmoprimca
26. Amandman na Sporazum između Vijeća ministara BiH, koje predstavlja Ministarstvo finansija i trezora BiH, i Vlade Republike Austrije, koju predstavlja federalni ministar finansija, o finansijskoj saradnji

27. Sporazum o kreditu za finansiranje Projekta nabavke opreme za Rad Sarajevo između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG
28. Konvencija između Bosne i Hercegovine i Republike Austrije o izbjegavanju dvostrukog oporezivanja u pogledu poreza na dohodak i imovinu
29. Sporazum između Vijeća ministara BiH i Vlade Države Katar o izbjegavanju dvostrukog oporezivanja i sprečavanju utaje poreza u odnosu na poreze na dohodak
30. Sporazum o zračnom saobraćaju između Vijeća ministara BiH i Vlade Države Kuvajt
31. Sporazum između Vijeća ministara BiH i Vlade Republike Hrvatske o načinu finansiranja i izrade glavnog projekta, te vođenja upravnih postupaka za procjenu uticaja na okolinu, pribavljanje lokacijskih dozvola, saglasnosti i građevinskih dozvola za projekat „Obnova i modernizacija plovnog puta rijeke Save od Račanovaca do Siska“
32. Sporazum između Vijeća ministara BiH i Vlade Republike Hrvatske o izgradnji međudržavnog mosta preko rijeke Save kod Svilaja i priključnih graničnih dionica Autoputa na Koridoru 5c
33. Protokol o zaštiti od poplava uz Okvirni sporazum o slivu rijeke Save
34. Sporazum između ministra vanjske trgovine i ekonomskih odnosa BiH i ministra poljoprivrede i ruralnog razvoja Republike Poljske o saradnji u oblasti poljoprivrede
35. Ugovor između Bosne i Hercegovine i Crne Gore o pravnoj pomoći u građanskim i krivičnim stvarima
36. Ugovor između Bosne i Hercegovine i Crne Gore o međusobnom izvršavanju sudskih odluka u krivičnim stvarima
37. Evropska konvencija o zaštiti audiovizuelne baštine, Strazbur, 8.11.2001.
38. Sporazum između Vijeća ministara BiH i Vlade Crne Gore o saradnji na poslovima iz oblasti geodezije
39. Memorandum o razumijevanju između Evropske unije i Bosne i Hercegovine o učešću Bosne i Hercegovine u programu Kultura (2007. - 2013.)
40. Sporazum između Bosne i Hercegovine i Velikog Vojvodstva Luksemburga o socijalnom osiguranju i Administrativnog sporazuma o načinu primjene Sporazuma između Bosne i Hercegovine i Velikog Vojvodstva Luksemburga o socijalnom osiguranju
41. Memorandum o razumijevanju za saradnju po pitanjima sigurnosti između Vijeća ministara BiH i Vlade Države Katar
42. Fakultativni protokol uz Međunarodni pakt o ekonomskim, socijalnim i kulturnim pravima, usvojen u Njujorku 10. decembra 2008. godine
43. Finansijski sporazum između Bosne i Hercegovine i Komisije Evropskih zajednica koji se odnosi na Državni program (I. dio) za 2008. godinu u skladu s Instrumentom pretpristupne pomoći
44. Sporazum o finansiranju između Bosne i Hercegovine i Evropske komisije koji se odnosi na Državni program (Dio II.) za 2009. godinu u okviru Instrumenta pretpristupne pomoći
45. Sporazum između Vijeća ministara BiH i Vlade Savezne Republike Njemačke o finansijskoj saradnji u 2009. godini
46. Kreditni sporazum za finansiranje Projekta nabavke opreme i pružanja usluga za dvije bolnice u Sarajevu između Bosne i Hercegovine, koju predstavlja Ministarstvo finansija i trezora BiH, i Unicredit Bank Austria AG

47. Sporazum o zajmu između Bosne i Hercegovine i OPEC Fonda za međunarodni razvoj – Projekat stambene obnove
48. Protokol između Bosne i Hercegovine i Rumunije o izmjenama i dopunama na Sporazum između Bosne i Hercegovine i Rumunije o promoviranju i recipročnoj zaštiti ulaganja
49. Sporazum između Vijeća ministara BiH i Vlade Republike Srbije o saradnji u oblasti turizma
50. Najrobijski ugovor o zaštiti olimpijskog simbola, od 26. septembra 1981.
51. Sporazum između Vijeća ministara BiH i Vlade Republike Srbije o veterinarskoj saradnji
52. Ugovor o patentnom pravu (usvojen u Ženevi 1. juna 2000.)
53. Evropska konvencija o pejzažu, Firenca, 20.10.2000.
54. Sporazum o saradnji u oblasti kulture između Vijeća ministara BiH i Vlade Rumunije
55. Sporazum između Vijeća ministara Bosne i Hercegovine i Vlade Malezije o saradnji u oblasti kulture
56. Sporazum između Vijeća ministara BiH i Vlade Republike Srbije o policijskoj saradnji
57. Sporazum između Vijeća ministara BiH i Vlade Crne Gore o graničnim prijelazima za međunarodni saobraćaj
58. Sporazum između Vijeća ministara BiH i Vlade Crne Gore o graničnim prijelazima za pogranični saobraćaj
59. Sporazum između Vijeća ministara BiH i Vlade Republike Hrvatske o policijskoj saradnji u borbi protiv prekograničnog kriminala
60. Razmatranje davanja saglasnosti za ratificiranje Sporazuma između Vijeća ministara BiH i Vlade Republike Srbije o saradnji u zaštiti od prirodnih i drugih katastrofa
61. Sporazum između Vijeća ministara BiH i Vlade Hašemitske Kraljevine Jordan o saradnji u borbi protiv kriminala, posebno terorizma, ilegalne trgovine drogom i organiziranog kriminala
62. Protokol između Vijeća ministara BiH i Savezne vlade Austrije o provođenju Sporazuma između Bosne i Hercegovine i Evropske zajednice o readmisiji lica koja borave bez dozvole (Provedbeni protokol)
63. Sporazum između Vijeća ministara BiH i Vlade Republike Hrvatske o predaji i prihvatu lica čiji je ulazak ili boravak nezakonit i Protokola između Ministarstva sigurnosti BiH i Ministarstva unutarnjih poslova Republike Hrvatske o provođenju Sporazuma između Vijeća ministara BiH i Vlade Republike Hrvatske o predaji i prihvatu lica čiji je ulazak ili boravak nezakonit
64. Sporazum između Bosne i Hercegovine i Kraljevine Španije o saradnji u borbi protiv kriminala, posebno terorizma, nezakonite trgovine drogama i organiziranog kriminala
65. Deklaracija o namjeri između Ministarstva sigurnosti BiH i Međunarodnog centra za razvoj migracione politike (ICMPD)
66. Sporazum o saradnji u oblasti odbrane između Vijeća ministara BiH i Vlade Crne Gore
67. Sporazum između Bosne i Hercegovine i Kraljevine Belgije o plaćenom radu izdržavanih članova porodice diplomatskog i konzularnog osoblja
68. Sporazum između Vijeća ministara BiH i Vlade Narodne Demokratske Republike Alžir o ukidanju viza za nosioce diplomatskih pasoša
69. Sporazum između Vijeća ministara BiH i Kabineta ministara Ukrajine o uslovima uzajamnog putovanja državljana

70. Izmjena br. 1 Ugovora o finansiranju između Bosne i Hercegovine i Evropske investicione banke, potpisanog 17. novembra 2005. godine
71. Memorandum između Vijeća ministara Republike Albanije i Vijeća ministara BiH, Vlade Republike Makedonije, Vlade Republike Srbije, Vlade Republike Slovenije, Vlade Republike Hrvatske i Vlade Crne Gore o podmiranju duga Republike Albanije koji se odnosi na obračun iznosa na računima na osnovu razmjene roba između Republike Albanije i bivše Socijalističke Federativne Republike Jugoslavije
72. Sporazum o Kreditu (Projekat „Modernizacija Univerziteta u Istočnom Sarajevu“) između Bosne i Hercegovine, koju zastupa Ministarstvo finansija i trezora BiH, i Raiffeisen Bank International AG
73. Sporazum o ustanovljenju Međunarodne klasifikacije figurativnih elemenata žigova, sačinjen u Beču 12. juna 1973. godine, sa izmjenama od 1. oktobra 1985.
74. Sporazum o povlasticama i imunitetima Međunarodnog krivičnog suda
75. Konvencija o zaštiti materinstva br. 3 iz 1919. godine Međunarodne organizacije rada
76. Konvencija Vijeća Evrope o pristupu službenim dokumentima
77. Sporazum o Koordinacionom komitetu u okviru Ministarskog odbrambenog procesa u Jugoistočnoj Evropi
78. Sporazum o finansiranju (Dodatno finansiranje za Projekat jačanja zdravstvenog sektora) između Bosne i Hercegovine i Međunarodne razvojne asocijacije;
79. Sporazum između Bosne i Hercegovine i Države Kuvajt o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu
80. Sporazum o finansiranju između Bosne i Hercegovine i Evropske komisije u vezi s Državnim programom (I. dio) za 2010. godinu, u sklopu Instrumenta pretpristupne pomoći
81. Amandman br. 1 na Sporazum o finansiranju, potpisan 27.2.2006., između Bosne i Hercegovine, koju zastupa Ministarstvo finansija i trezora BiH, i KfW, Frankfurt na Majni, za uspostavljanje Evropskog fonda za Bosnu i Hercegovinu
82. Amandman br. 2 na Sporazum o finansiranju i upravljanju Fondom potpisan 21.7.2000. a koji je dopunjen Dopunskim sporazumom o finansiranju i upravljanju Fondom potpisanim 30.7.2004., između između Bosne i Hercegovine, koju zastupa Ministarstvo finansija i trezora BiH, i KfW, Frankfurt na Majni – Fond za kreditne garancije
83. Sporazum o povoljnom zajmu između Bosne i Hercegovine, koju predstavlja Ministarstvo finansija i trezora BiH, i Erste Bank Der Oesterreichischen Sparkassen AG, za Projekat „Nabavka medicinske opreme za Opću bolnicu u Nevesinju“
84. Sporazum o bespovratnom zajmu zasnovan na pomoći Holandije između Ministarstva finansija i trezora BiH i Ministarstva vanjskih poslova Holandije za finansiranje Projekta broj: KGS10/BA/3/1
85. Dodatk br. 1 Ugovoru o finansiranju u vezi s Nacionalnim programom za Bosnu i Hercegovinu – II .dio u sklopu IPA-inog programa podrške tranziciji i izgradnji ustanova za 2008. godinu
86. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Hrvatska - Bosna i Hercegovina u okviru IPA komponente prekogranične saradnje za 2007. godinu

87. Dopuna broj 1 Finansijskom sporazumu za provođenje Nacionalnog programa za Bosnu i Hercegovinu na osnovu IPA programa – Pomoć u tranziciji i komponenta jačanja institucija za 2007. godinu
88. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Bosna i Hercegovina – Crna Gora u okviru IPA komponente prekogranične saradnje za 2007. godinu
89. Dopuna Finansijskog sporazuma između Bosne i Hercegovine i Evropske komisije u pogledu prekograničnog programa Bosna i Hercegovina – Srbija u okviru IPA komponente prekogranične saradnje za 2007. godinu
90. Finansijski sporazum između Bosne i Hercegovine i Komisije Evropskih zajednica koji se odnosi na Državni program (II. dio) za 2008. godinu u skladu sa Instrumentom pretpristupne pomoći
91. Ugovor između Vijeća ministara BiH i Vlade Crne Gore o veterinarskoj saradnji
92. Memorandum o razumijevanju o saradnji u borbi protiv korupcije putem inicijative Jugoistočne Evrope za borbu protiv korupcije
93. Sporazum o formiranju i Statutu Organizacije za evropsko javno pravo (EPLO)
94. Ugovor o pravnoj pomoći u građanskim i krivičnim stvarima između Bosne i Hercegovine i Islamske Republike Iran
95. Sporazum između Vijeća ministara BiH i Vlade Republike Kazahstan o ukidanju viza za nosioce diplomatskih i službenih pasoša
96. Sporazum između Vijeća ministara BiH i Vlade Republike Indonezije o bezviznom režimu za nosioce diplomatskih i službenih pasoša
97. Sporazum između Vijeća ministara BiH i Vlade Republike Slovenije o zapošljavanju državljana Bosne i Hercegovine u Republici Sloveniji s Protokolom o provođenju Sporazuma između Vijeća ministara BiH i Vlade Republike Slovenije o zapošljavanju državljana Bosne i Hercegovine u Republici Sloveniji
98. Sporazum između Vijeća ministara BiH i Vlade Republike Srbije o privremenom zapošljavanju državljana Bosne i Hercegovine u Republici Srbiji i državljana Republike Srbije u Bosni i Hercegovini
99. Protokol o privilegijama i imunitetima Centra za provođenje zakona u Jugoistočnoj Evropi
100. Sporazum između Vijeća ministara BiH i Vlade Republike Bugarske o međusobnoj zaštiti i razmjeni tajnih podataka
101. Izmjena Sporazuma o finansiranju između Bosne i Hercegovine i Međunarodne razvojne asocijacije (IDA) za Program energetske zajednice za jugoistočnu Evropu – ESCEE (kredit br. 4197-BOS)
102. Ugovor o zajmu (Projekat vezan za vodovod i otpadne vode u Sarajevu) između Bosne i Hercegovine i Evropske banke za obnovu i razvoj
103. Amandman br. 3 na Sporazum o finansiranju od 27. februara 2006. ((Evropski fond za Bosnu i Hercegovinu (EFBH) – Program stambenih zajmova i Program zajmova za mala i srednja poduzeća)), između Vijeća ministara BiH, koje zastupa Ministarstvo finansija i trezora BiH, i KfW, Frankfurt na Majni
104. Amandman na Sporazum u vezi sa Sporazumom o zajmu, finansiranju i projektu od 23. juna 2008. za 17.000.000,00 eura, između Bosne i Hercegovine, koju predstavlja Ministarstvo

finansija i trezora BiH, i Federacije BiH, koju predstavlja Federalno ministarstvo finansija i trezora, i Elektroprivrede Hrvatske zajednice Herceg Bosna d.d. Mostar (EP HZHB) kao agencije za izvođenje projekta (agencija za izvođenje projekta) i Kreditanstalt für Wiederaufbau (KfW), Frankfurt am Main – Rehabilitacija Hidroelektrane Rama

105. Sporazum o grantu švedskog Trust fonda (Projekat zaštite kvaliteta voda – Vodovod i kanalizacija Mostar) između Bosne i Hercegovine i Međunarodne banke za obnovu i razvoj, u funkciji administratora švedskog Trust fonda
106. Kreditni sporazum za Projekat glavne gradske magistrale u Zenici između Saudijskog fonda za razvoj i Bosne i Hercegovine
107. Finansijski sporazum između Bosne i Hercegovine i Evropske komisije koji se odnosi na Nacionalni program (II. dio) za 2010. godinu u okviru Instrumenta pretprijetne pomoći
108. Sporazum između Bosne i Hercegovine i Republike San Marino o unapređenju i uzajamnoj zaštiti investicija
109. Sporazum o dodjeljivanju statusa međunarodne organizacije Međunarodnoj akademiji za borbu protiv korupcije
110. Međunarodna konvencije za zaštitu svih lica od prisilnog nestanka
111. Amandman na član 20. stav 1. Konvencije UN-a o eliminaciji svih oblika diskriminacije žena
112. UNIDROIT konvencija o ukradenim ili nezakonito izvezenim kulturnim dobrima
113. Sporazum između država članica Zdravstvene mreže Jugoistočne Evrope o aranžmanima zemlje domaćina i sjedištu Sekretarijata Zdravstvene mreže Jugoistočne Evrope
114. Sporazum o finansiranju između Bosne i Hercegovine i Evropske komisije u vezi s „IPA Jadranskim programom prekogranične saradnje“ u okviru Instrumenta pretprijetne pomoći, broj: 01,02
115. Sporazum o finansiranju između Bosne i Hercegovine i Evropske komisije u vezi s višekorisničkim programom za Tempus u sklopu IPA komponente pomoći u tranziciji i izgradnji institucija za 2010. godinu, broj: 01,02
116. Ugovor između Vijeća ministara BiH i Vijeća ministara Republike Albanije o rješavanju duga Republike Albanije i namirivanju iznosa na računima po osnovu robne razmjene između Republike Albanije i bivše Socijalističke Federativne Republike Jugoslavije, broj: 01,02
117. Sporazum o finansiranju između KfW-a, Frankfurt na Majni, Njemačka, i Vlade Švicarske Konfederacije, koju predstavlja Državni sekretarijat za ekonomske odnose (SECO), i Vijeća ministara BiH, koje predstavlja Ministarstvo finansija i trezora BiH (primalac) za 900.000 eura za pružanje stručnih usluga primaocu za pripremu programa „Vodosnabdijevanje i upravljanje otpadnim vodama u BiH II“ (Tuzla, Zenica, Travnik), koji se finansira posebnim sredstvima njemačke vlade (br. 212 K 2012-0026/125) i sredstvima švicarske vlade
118. Sporazum između Vijeća ministara BiH i Vlade Hašemitske Kraljevine Jordan o izbjegavanju dvostrukog oporezivanja i sprečavanju utaje poreza u odnosu na poreze na dohodak, broj: 01,02
119. Sporazum između Bosne i Hercegovine i Malezije o izbjegavanju dvostrukog oporezivanja i sprečavanja utaje poreza u odnosu na poreze na dohodak, broj: 01,02
120. Ugovor između Bosne i Hercegovine i Grčke Republike o izbjegavanju dvostrukog oporezivanja i sprečavanju utaje poreza u odnosu na poreze na dohodak i imovinu, broj: 01,02

121. Sporazum između Vijeća ministara BiH i Vijeća ministara Republike Albanije o izbjegavanju dvostrukog oporezivanja u odnosu na poreze na dohodak i na imovinu i prevenciji fiskalne evazije, broj: 01,02
122. Sporazum između Bosne i Hercegovine i Irske o izbjegavanju dvostrukog oporezivanja i sprečavanju utaje poreza u odnosu na poreze na dohodak i poreze na dobit od imovine, broj: 01,02
123. Zajednička konvencija o sigurnosti zbrinjavanja istrošenog goriva i sigurnosti zbrinjavanja radioaktivnog otpada, broj: 01,02
124. Ugovor o finansiranju između Bosne i Hercegovine i Republike Srpske i Evropske investicione banke – *Projekat bolnice Republike Srpske*
125. Sporazum o grantu u sklopu Državnog programa IPA 2009 za Bosnu i Hercegovinu – Infrastruktura za vodu i otpadne vode između Evropske investicione banke i Bosne i Hercegovine
126. Sporazum između Vijeća ministara BiH i Vlade Republike Makedonije u oblasti obrazovanja i nauke.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisije izrađeni su i blagovremeno dostavljeni Domu naroda izvještaji s prijedlogom Komisije za davanje saglasnosti za ratifikaciju.

3. Izvještaji institucija Bosne i Hercegovine

3.1. Izvještaji o radu

U toku 2011. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2010. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (Ministarstvo vanjskih poslova BiH, Ministarstvo vanjske trgovine i ekonomskih odnosa BiH, Ministarstvo komunikacija i prometa BiH, Agencija za poštanski saobraćaj BiH i Agencija za nadzor nad tržištem BiH),
2. Izvještaj o radu Državne regulatorne komisije za električnu energiju u 2010. godini,
3. Izvještaj o radu i finansijskog izvještaja Agencije za poštanski saobraćaj Bosne i Hercegovine za 2010. godinu,
4. Izvještaj o radu Upravnog odbora Izvozno-kreditne agencije Bosne i Hercegovine za 2010.g,
5. Izvještaj o radu i poslovanju Radiotelevizije Bosne i Hercegovine za 2010. godinu.

Komisija je blagovremeno razmotrila sve dostavljene izvještaje a Domu naroda dostavljena su mišljenja o svim navedenim izvještajima.

3.2. Ostali izvještaji

Osim prethodnih izvještaja o radu institucija BiH, Komisija je razmatrala i druge izvještaje institucija o specifičnim pitanjima iz njihove nadležnosti:

1. Izvještaja iz oblasti poljoprivrede za Bosnu i Hercegovinu za 2009. godinu,
2. Izvještaj iz oblasti poljoprivrede za Bosnu i Hercegovinu za 2010. godinu,
3. Izvještaj o realizaciji mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine,
4. Izvještaj Vijeća ministara BiH o aktivnostima na projektu "Autoput na Koridoru 5c" i plan narednih aktivnosti.

Nakon rasprave u Komisiji, Domu naroda dostavljena su mišljenja o svim navedenim izvještajima s odgovarajućim prijedlozima zaključaka, kako bi ih razmatrao Dom naroda.

4. Imenovanja

U izvještajnom periodu Komisija je razmatrala i dva prijedloga za imenovanje u slučaju kada je Parlamentarna skupština BiH nadležna za imenovanja:

1. Prijedlog odluke o imenovanju člana Državne regulatorne komisije za električnu energiju iz Republike Srpske (Milorad Tuševljak), i
2. Rang- lista Regulatorne agencije za komunikacije za člana Upravnog odbora Javnog radio-televizijskog servisa Bosne i Hercegovine iz bošnjačkog naroda,

5. Izvještaji i informacije Ministarstva vanjskih poslova BiH.

S obzirom na svoju nadležnost i u oblasti vanjskih poslova, Komisija na svojim sjednicama redovno razmatra informacije i izvještaje koje Ministarstvo vanjskih poslova BiH dostavlja Parlamentarnoj skupštini BiH. U izvještajnom periodu Komisija je razmatrala ukupno sedam informacija i dopisa Ministarstva vanjskih poslova BiH. Sjednicama Komisije na kojima su razmatrane ove informacije prisustvovali su predstavnici Ministarstva vanjskih poslova BiH i dodatno ih obrazlagali, u zavisnosti od interesa članova Komisije. Sve informacije primljene su k znanju.

6. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrana su ukupno 23 izvještaja sa službenih putovanja parlamentarnih komisija i delegacija. Sve izvještaje Komisija je primila k znanju.

7. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2010. godinu
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2011. godinu
3. Utvrđivanje Prijedloga članova međuparlamentarnih grupa prijateljstva PSBiH iz Doma naroda.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

8. Zaduženje Kolegija Doma naroda

Komisija je na sjednicama razmatrala i materijale koje joj je na razmatranje i davanje mišljenja dostavljao Kolegij Doma naroda, odnosno Zejednički kolegij:

1. Razmatranje predmeta na osnovu zaduženja Kolegija Doma naroda broj: 02-50-7-17-2-3/11, od 8.7.2011.:
 - a) Nezavisnost u radu sudova u BiH u predmetima rješavanja žalbi na rješenja Regulatorne agencije za komunikacije – veza: akt broj: 01,02-50-17-354/11, od 4.5.2011.;
 - b) Obavještenje o zaključku Vijeća Regulatorne agencije za komunikacije u vezi s imenovanjem članova Upravnog odbora Javnog RTV servisa BiH iz srpskog i hrvatskog naroda – veza: akti br: 01,02-50-3-916/10, 01-50-1-15-82/10 i 02-50-1-16-49/10, od 22.10.2010.;
 - c) Dopis Javnog RTV servisa BiH – veza: akt broj 01,02-29-464-4/11, od 15.6.2011. ;
 - d) Dopis Upravnog odbora Javnog RTV servisa BiH – veza: akt broj: 02-29-464-5/11, od 24.6.2011.;
2. Razmatranje Zaključaka Odbora Javnog radio-televizijskog sistema Bosne i Hercegovine, na osnovu zaduženja Kolegija Doma naroda, broj: 02-50-7-17-4-3/11, od 6.9.2011.;
3. Razmatranje zaključaka oba doma PSBiH povodom rasprave o Izvještaju o radu i poslovanju BHRT-a za 2010. godinu (akt br. 01/a-50-1-15-8/11 od 29.8.2011. i akt br. 02-50-6-16-5/11, od 14.9.2011.) i dopisa Regulatorne agencije za komunikacije br. 01-50-2039-3/11, od 27.9.2011., na osnovu zaduženja Zajedničkog kolegija oba doma PSBiH, broj: 01,02-50-12-18-4,7/11, od 3.10.2011.;

4. Razmatranje Izjašnjenja Regulatorne agencije za komunikacije, broj: 02-50-17-354/11, od 18.10.2011., o navodima iznesenim u dopisu kablovskih operatera, broj: 01,02-50-17-354/11, od 4.5.2011.

Sve dostavljene materijale Komisija je blagovremeno razmatrala na sjednicama, uz prisustvo predstavnika predlagača, odnosno nadležnih institucija Bosne i Hercegovine. U vezi sa svakim materijalom Komisija je usvojila odgovarajuće zaključke i blagovremno ih dostavila Kolegiju Doma naroda na daljnje postupanje.

9. Ostale aktivnosti Komisije

Osim redovnih sjednica, Komisija je u 2011. godini održala dva sastanka te učestvovala u organizaciji i održavanju jedne prezentacije:

1. Sastanak članova Kolegija Komisije za vanjsku i trgovinsku politiku, carine, saobraćaj i komunikacije Doma naroda PSBiH s predstavnicima Delegacije Evropske unije i Ureda specijalnog predstavnika Evropske unije u Bosni i Hercegovini, 13. 9. 2011.;
2. Prezentacija Nacrta strategije rasta izvoza Bosne i Hercegovine od 2012. do 2015. godine, 19. oktobar 2011.;
3. Sastanak Komisije za vanjsku i trgovinsku politiku, carine saobraćaj i komunikacije Doma naroda i Zajedničke komisije za nadzor nad radom Obavještajno-sigurnosne agencije BiH s Komisijom za vanjske poslove, odbranu i sigurnost Senata Republike Češke, 15.11.2011.

III. ZAKLJUČAK

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2011. godini bio uspješan. Rad Komisije je u najvećoj mjeri zavisio od materijala koje je dostavilo Vijeće ministara BiH, odnosno Predsjedništvo BiH.

Svi materijali iz nadležnosti Komisije blagovremeno su razmatrani, a svi izvještaji, mišljenja i drugi akti blagovremeno su dostavljani predsjedavajućem, odnosno Kolegiju Doma naroda na daljnji postupak.

Prisustvo sjednicama bilo je na zadovoljavajućem nivou te nijedna sjednica nije otkazana ili odgođena zbog nedostatka kvoruma.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2011. maksimalno je nastojala doprinijeti uspješnom radu Doma naroda.

Predsjedavajući Komisije
za vanjsku i trgovinsku politiku
carine, saobraćaj i komunikacije

Hasan Bećirović

Prilog:

- *Tabelarni prikaz prisustva sjednicama*

**TABELARNI PRIKAZ DATUMA ODRŽAVANJA SJEDNICA
KOMISIJE ZA VANJSKU I TRGOVINSKU POLITIKU,
CARINE, SAOBRAĆAJ I KOMUNIKACIJE, S PRIKAZOM PRISUSTVA SJEDNICAMA
(za period od 1.1. do 31.12.2011.)**

	Hasan Bećirović	Stjepan Krešić	Staša Košarac	Nermina Kapetanović	Borjana Krišto	Ognjen Tadić	Ukupno
1. sjednica 29.6.	+	+	+	+	+	+	6
2. sjednica 6.7.	+	+	+	+	+	+	6
3. sjednica 26.7.	+	+	+	+	-	-	4
4. sjednica 6.9.	+	+	+	+	+	+	6
5. sjednica 29.9.	+	+	+	+	-	+	5
6. sjednica 9.11.	+	+	+	+	+	-	5
7. sjednica 30.11.	+	+	+	+	-	+	5
8. sjednica 14.12.	+	+	-	-	+	+	4
Ukupno	8/8	8/8	7/8	7/8	5/8	6/8	41/48
%	100	100	87,5	87,5	62,5	75	85,4